

遠山堂詩集

遠山堂詩集

卷之十

山陰初鹿佳世培甫著

男理孫編輯

四言古

游古蘭亭效修禊體

○ 遊古蘭亭效修禊體

俯仰斯世。悲樂以馳。冥心萬化。形與神怡。欣此曲蘗。鋤蘭采芝。草木脩翫。樂言跂之。非若古人。直以寄悲。

○ 望含山

瞻言遺跡一丘在茲厥名曰舍若有所思兩水迴合
孤塔峙之

我欲登臨風帆迅速矯首相望煙楸在目悠悠我心
愧此幽躅

遠兮近兮在河之湄如得良友把臂無期靜言斯景
恍惚堪追

嶽麓四章送李澹菴

我望嶽麓鬱鬱我我我望伊人無偏無頗我望大滌

我我鬱鬱我望伊人不回不譎

伊人維何金玉其理載蒞巖邦德備衆美子之懷民
如保赤子民之懷子父母孔邇

百尺茂松霜雪所蝕彼茂松兮棟隆之吉衆卉貌之
萬籬庇之匠石砥之以作賓於宸扆

脂牽夙矣攀轅俶矣我思我公庚桑祝矣以壽以晝
軍國之需一出入承明之廬

五言古

贈戴母貞節

天地鍾正氣，乃生完節身。誰謂閨室秀，偏遠慕貞人。
烈哉戴氏母，堅貞歷艱辛。盟菊而況柏，皓首暨青春。
堂前有玉樹，蠹絕無纖塵。貞心陳一古，水至為精神。
蘭水清且冽，壺山峻且嶙。以之壽戴母，福澤綿無垠。
暮彥陳秋日，偕韻士遊九漈。自碧瀨、苔溪而上，
探麥斜之勝遊。公罕有至者，自是為鯉湖別。

開一境界矣。度何嶺，過龍華寧國，兩古寺眺
鳳頂之峯，憩三會之刹，而仙門石壺、水簾諸
洞出。米伏莽，蔡公諸巖皆搜竒。及焉，每遊輒
有咏勝地得名言而不朽於其歸也。謾賦二

十九韻問之

古人曾有言，一生着幾屐，胸中無丘壑，卧遊何足適。
我羨陳魯彥，曠囊僻遊歷。杖屨集西山，觥籌錯冠舄。
乃命中輅車，攬勝窮泉石。東彼九何君，九鯉鬣如戟。

鞭虬而駕螭噴沫江海白君欲從之遊狂飲小龍伯
何嶺度龍華奇荒佛相瘠試參無字禪溪聲梵語譯
落日啣古刹蝸涎綉金碧三會與寧國皆是青蓮宅
九座正覺開鳳凰叫其眷境與心自遠興偕地俱僻
山家橘柚黃雞犬亦傲客香稻熟離離荷衣上塵陌
空山無人聲舉頭月當額即此已仙仙寧問今何夕
麥斜暨石壺渾沌眩劃擘伏茶如蠶蛭出米成金液
誰謂大地中有此神奇迹叢必蔡公留泉爲何令惜

遠山詩集
簾水向空懸。仙門當洞闢。得句貯奚囊。珊瑚已盈尺。
歸來數靈異。如饑八珍獲。知君今姓名。已註名山籍。
我昔志五嶽。今爲塵世隔。偶讀初遊篇。形解且意釋。
揮手謝簿書。願言息勞役。

○ 贈袁鬼公

君家^{彭澤}梅福壑。一水儼相望。暮雲幾延佇。
古人^{彭澤}重神交。何必在晤語。每讀君文章。輒以琅函貯。
姓字有天香。翩翩落毫楮。然而寤寐久。會面豈終阻。

疇昔之中夜○忽夢迷離緒○曉間剝啄聲○君舟泊林渚○
相視但而一笑○與君非暫處○益緣肺腑通○無俟面目許○
吾儕無意氣○安所問儔侶○蟬蛸之衣裳○何往不楚楚○
君贈我瑤篇○字字朝霞舉○我則何所言○短歌對新醕○

○初夏社中諸子限寒字

時序逢初夏○樹鳴綠藏殘鶯○寂寂花露濕○青苔印月明○
春去復春去○寧不虛我生○陳消日月○此節候更○
閒居集名更必何山水清

○喜陳聖鑒入社各賦五言限社字

世風日趨靡誰其作大雅○獨有素心人○詞章不尚也○

琴竹搖明珎乃磴江泉湧○得此真性情○馨氣亦為餘○良友日晤相○對物累自然寡○

但陶柴奈何○何必入蓮社○

初夏訪道士庄舟臨竹岸榜人便折野筍為守

者所觸怒詈不已諸友笑以酒釋之渠怒竟

息且多為導引披蓊拂棘直至季真亭下酌

酒藝香各賦五七長言盡吊古之懷而罷歸

舟再賦以紀其勝云

放舟鑑湖曲欲訪李真居野田飛黃菜破籬蔽竹廬
籬下長新笋舟人動饒吻炊作玉版羹守者不勝忿
主人爲解釋罵詈猶未息亟亟勞以酒怒容轉歡色
問予以何因携友臨水濱答以叩遺跡我欲交其人
聽罷啞然笑何足爲君道此事已千古君豈其同調
子坐聽予說論交在精神但有千古意何問現在身
子其不予信請質之李真於是縹其幟陳詩以吊挽

我酒清且馨我香淡而遠
虛誠問先生昔以酒聖名
今我之杯酒其肯爲我傾
先生亦大笑且勿勸子酌
倘不逢此翁安得踐子約
誠哉先生言我輩當拜之
借其喜與怒寄之爲歌詩
言罷忽寂然煙波自渺渺
歸舟出林間山遠月亦小

○曠亭澄月和韻同友

○出處○山○凡○吹○振○哨○條
○飲月○頭○尊○西○水○窗○西○窗○西○窗○西○窗
○夜○寒

閒心托嘯咏景物亦自饒
我有無絃琴惟子可與調

初夏偕鄭季公僧無遠及兄季超弟文載同宿

揚子手化鹿山房限韻

化鹿山房限韻

新涼人初竹相蔭
清人才競酬和戒
歎感物情

好友集東夜山空氣亦清

更菜堆維千載丘壑已盡平

遙望越王臺霸圖忽更

收信

開杜宇聲縱酒

無生

行

無負吾此生

爲有遠公在可結廬中盟行矣各勉之無負吾此生

前送瘡

季公夢瘡鬼乃是二童子云旦日且去但索
酒食且乞一詩

熒青燈伴愁侶鼠凌人鬼作語燈下立兩童子眼如
豆面若紙汝言饑食一口汝言渴酒一斗既飲且食
拱手作辭我今去矣但乞一詩向惡翁頑欲投諸廁
不意小兒乃解文字童子嚶嚶復有聲昨日逐我多
罵詈君今知我不爲厲鬼爲文人我即騎犬牽豨避
此地噫嘻病者爲誰愈者誰造化一場作兒戲

後送瘡

季公又夢一老吏鬚髮皓然亦向前告去且

索詩酒

諺云官雖清不能逃猾吏胡爲蒼其髯乃猶兩而翅
既非勾攝來又非催科至但言此瘡病非我所爲崇
蓋此兩童子晝見作魑魅我奉天帝符移之向郊遂
何以酬我勞止欲圖一醉我更有所言少也喜文義
老而抱吏牘篇章猶酷嗜聞君妙筆端天地聽位置

乞得字數行千金非所利誠哉刀筆革巧舌可追駟
移罪於他人是其舞文智吾友在病中見汝立牀第
忽有正人過便欲逃之廁爲其腕中鬼爲其背上刺
胡乃恣如簧反爾稱勞勩吾將討爾辜使爾避無地
老吏再乞憐吾罪誠當肆但亦有微功望君爲錄記
吾暱吾季公詩酒太着意詩魔屬吾驅酒鬼遂驚悸
去此兩堆棲六臟皆安位雖有小寒暑無難亟攻治
吾直以愛之安得反爲累主人乃筦爾爾言似亦是

但使良友痊吾亦不爾恚杯酒非爲贓飲此無顧忌
我詩不可得恐驚蛟龍寐老吏杯在手笑眼不見些
一飲便頽然倒向堦前睡吾友夢亦醒不知爲何事

別兄弟

三月疆湖春柳條拂行塵兄弟相勸慰促促脂車輪
予也多懶態欲去還迴再遲速非人爲升沉有命在
六月夏將徂勉強登征途執手三回顧欲說又踟躕
問予以何說乃此不忍別古毋生五人伯仲厲行列

同母同肝腸世世願相將勗勉惟道義鑒賞亦文章
大哥命如紙徵作脩文史青緗無後人一哭寒林苑
哭罷向二哥此去將若何二哥見事遠又復涉世多
發言難更僕首舉是寡慾防口如防川保身如保玉
再則調人情弗任意以行長安多耳食毀譽每同聲
吾父負才氣便爲人所忌居官節競疎與人忘同異
回哥安空禪舉義有異焉但能了性命不復問世緣
人天路分曉如月當秋皎倘使箇事明一官非所少

在昔富鄭公半偈印真宗仕官而精進入道如箭鋒
小弟身雄武飲啖氣如虎張口無所言一吞盡酒脯
岐路分亂絲蓋繇意見滋沕穆如小弟誠哉是吾師
僕夫催解鞵再三惟珍重萬千不盡言留作池塘夢

蘭亭懷古

昔言俯仰間便已成陳迹是以於生死每至深感惜
安若至人懷光陰爲過客萬殊既齊觀彭殤何足擇
自有此山亭便有此泉石知之有幾人應接成套格

高者馳域外卑者棲陳宅置之丘壑中二者皆不獲
豈此遊中趣獨爲古人關而我二三子竟與山水隔
試一臨清泉林光聲應剗山禽轉脩篁薰風來紫陌
披襟縱笑吟不知天地窄即不效飛觴夫豈不自遣
役役櫻世網所恨無痴癖但得古人情何必襲遊屐
雖日在市朝亦註名山籍此迹固復陳吾樂自不易
使樂與時去胡以我猶昔爲我語諸賢酒國有霸伯

明珠篇

千里緘尺素贈君復明珠明珠非易得市之碧眼胡

月明滄海夜皎人泣欲藉似別時淚滴滴羅襦

似吾別時心滾滾在征遠復珠簪上莫光輝曉流蘇

珠繫居臂宛轉耀氈毼結作同心帶良辰永歡娛

甲戌季夏之二日予杜門琴川乞身未得寤寐

展轉漏盡方就枕夢四女郎燕袂歌於市予

坐小樓上呼之至各乞一詩信筆成四絕一

友人旁爲予書面目非熟睹也止憶第三絕

有團扇羅衫隊隊行
朱樓簾下共呼卿之句
女郎一笑而散予
忽置身一老僧側
合掌作禮叩之云
行到水窮處
進也不能退
也不能
老僧命予拜予頻下拜
乃荅曰
寒巖秋葉散
予似言下有悟
颯然而醒
再歲秋孟里居
忽憶及此爲詩以紀之

予昔懷隱淪志氣亦云邁
一念無斷域着處多穽械
譬如羊觸藩不得遂
進退疇昔之中夜
忽夢見粉黛

情緣了不生題詩何足怪水流與花開自然成天籟
又夢一老僧台掌作禮拜問予安身處迅速少停待
更欲着一語機鋒無粘帶若爲睡時因意念何絲在
若爲醒時因何來此境界非睡非醒時吾自現故態
意念忽萌芽境訕隨相對可見天地間四大若爲害
至人碎虚空游行無罣碍進也用不窮退也體不壞
行到水窮處雲起青山外秋葉散寒巒春草生碧瀨
聚散惣何心形解而神會

林暹臺慎日博學好古周爰之暇詢及予家藏
書乃錄先人所輯四大部目八卷餘苑一卷
徵信輯一卷奉答謾賦小言志感

大塊有文章典墳扶輿闡富哉東西序藝宗並陳列
虐焰播羸秦載籍忽消歇炎漢衰成間龍帑積玄屑
誰謂臯與夔詩書乃獨闕憂乎吾先人名場苦枿隍
嗜古抱竒僻論文追往哲籤軸手插架饑渴忘飲啜
遺訓數千言勉海勿散滅李侯相帙多其子世于鄴

永叔亦有兒萬卷不空擲予也未能讀對之徒心折
近愧杜家藏遠愧常氏業歲歲豕更尊貽書詢敬篋
道逸邁機雲文藻卑盧薛胸傾二酉藏下士更折節
與古慧業人好尚同一轍敬銓手澤餘四部隨所掣
感此遺訓語殘燈黯碧血洛下發徵善廣陵不中絕
却慚郇公鬻而逢滯澠舌

寒食

煙浮燈照
春樓向曉
寒食及茲晨

窮其捷曲流當柴門茅屋三四家道固難勝
 獨與樵子語前軍西許論春轉
 倘不辭於此吾道亦何存

蝦蟆山

秦皇驅巨石鞭向江之東風雷掣不動留此卧蒙茸
 六螯歌厚地一線裂穹窿陰沉蝕太古慘淡薄長空
 虎豹蹲其後蛟龍窟其中巨靈若迫窄五丁竊天工
 怪松跋奔濤小橋引垂虹越崢嶸何險削秦望何高崇

不與衆山伍自作尉陀雄欲遊心恐怖覽此亦恍恍
喜雨爲謝山陰張會稽兩縣令作

閱歲紀柔兆月令屆林鐘肥遺初作崇大地苦蘊隆
越國固易涸江海隔邇封况此食者衆歲入不足供
萁旬逢早暵群黎切望顯桔槔徹中夜夏畦病三農
我侯念饒溺翁屬向穹宮齋壇虔步禱平格在昊穹
璧月纔離畢好雨及好風傍車飛石熒傾鉢降柯龍
綠疇漲新水稌黍膏芑芑力作無失時於以樂年豐

丙子夏予卜築寓山何芝田投詩見贈時芝田

亦開果園率爾奉荅

鴻濛闢川岩缺陷猶未補補之以人工開山我作祖
林壑秉清淑靜者乃能取爾我抱竒僻夙志在老圃
搜剔窮幽危刻削化朽腐赤日汗如漿盤旋而偃偻
柰何致眚胝樂此不爲苦苔雨洗新痕石色濛太古
亭開四面山山山獻笑舞委道接長松小閣藏平塢
亦可受煙霞非但蔽風雨於以欲終焉所恨無良侶

聞子搆造緣神色爲軒舉開園有妙訣惟子可與語
譬如行三軍竒正易其所又如補與攻良醫中臟腑
寔者運以虛散者欲其聚吾憶吾先人廢箸築別墅
每誇其巧思著之爲乘譜絡述作箕裘對子乃傾吐
一曲鑑中湖吾與子分處三逕來二仲四松愛一甫
扁舟常往還晦明不爲阻相期坐秋月無令吾延佇

贈祝貞母

天地長不毀所賴有綱常咄哉鬚眉子七尺空昂藏

獨此暮筭人節烈凜水霜匪歎稟姿異亦繇世澤康
於越賢祝母懿績流芬芳十八咏宜家廿四稱未亡
當其佐夫子雞鳴警翱翔寒燈相對坐夫讀婦裁裳
夫子赴省試促促治行裝卽爲生死別吳楚各一方
呼天天夢夢穴地地茫茫死節匪所難立孤乃獨臧
投血育藐孤百苦甘脩嘗堂前父哭兒室內子牽娘
入而理襁褓出則慰姑嫜含淚不敢下惟恐慟高堂
及兇遺疾病母意轉倉皇搏穎禱遺像刺心禮法王

婦也而代子辛勤治酒漿翁姑感婦意每爲進一觴
母也而代父勉訓績書香蛩聲風雨夜織作課文章
遺編付兒讀猶見血淚行懷中是美玉磨琢成瑤璋
一朝振鬢序士林推吉光入門方拜母懽笑轉淒愴
又恐失兒意背而獨慘傷母苦不易述母心不易償
望兒無可已念兒無可忘令名爭日月行且表廟廊
持此報夫子地下慰相望金石或有渝志節秉堅剛
悠悠千載後誰復頌共姜母儀照千載山高而水長

贈閩人孟公兩尊人

仇池飛玉泉石門聳積翠以斯得地靈俊傑乃肩輩
華曹出天水戩穀綿奕世諗君之先公少也多英異
既秉脫穎才還具請纓志蟠霄星斗羅下筆風雲麗
磊落喜譁兵貳財非所事自矜丈夫雄豈困尺幅內
仗劍欲從戎峻坂馳騏驎厥配有令人孝友益兼備
菽水奉老親解推撫幼弟琴瑟懷好音墳簾協同氣
念毋當衰齡色養在自致庀饋與綉衣惟恐失母意

念弟方藐孤提携勿敢置家事兄任之不欲爲弟累
庭闈藹祥和不里閤彰德義三鳳繼河東箕裘獲所寄
奮身事遠遊壯懷冀一試太母治內壺肅焉如嚴史
有子皆瑚璉琢磨成良器督課至丙夜鷄聲捉孤寐
秋憲燃一燈機杼恒相對人稱魯母師荻熊不足記
一鶚已冲霄二龍翔雲際玉樹正參天梁木忽萎地
常氏業方隆子門德不替使君應運生挾藻取高第
道岸太華崇文濤漢江沛大梁歡隨車於越慶得歲

秋旻照九方春和普百彙明刑作顯揚幽光發潛閔
矯矚永山河龍綸賁墓隧轉深風木悲遂使蓼莪廢
治子在林間耕鑿依棠帝顧君世澤長知君先德莘
頌自愧不文曷以表錫類持茲歌頌懷所祝昌而熾
善胡不可爲麻禎日茲至譬如耕者獲帝天有然契

○夜泊禹穴候曉再遊諸園

春半餘十日柔風吹蘭若桃花夾水岸山色久輕舸
有懷探古蹟良以解寂寥窺園詢牧豎迷津問山樵

虛堂杳人迹。三徑多蓬蒿。欲豁俗士累。恨無隱者招。
歸舟薄暮矣。相慰惟濁醪。淡雲籠纖月。微颺鳴中宵。
客子靜無語。良夜何迢迢。園亭~~幽~~夢思莽莽。登林~~早~~
叩門不得入。逡巡向曠郊。鷺回溪橋畔。雅鳴在楸梢。

柯亭懷古

我行鑑湖曲。春波宕百憂。西望越王嶂。霸氣肅杉楸。
莽莽大禹穴。弓劍委荒丘。興亡已千古。生計在浮游。
予懷發深慨。靜心恣冥搜。孤亭梅塋側。傳是中郎郵。

睇眄截椽竹乃是巖下收凡物皆有過知者亦何求
吹笛作長調伏龍出寒湫繼之桓子野三弄胡床頭
緬想獨孤生發聲走疾颺景物媚澄霽忽馬風雨秋
入破十三疊吹裂碧雲愁成毀屬於數摧折不自由
苟非興公妓此物豈又留惜乎曠世才竟爲賊臣仇
聽崔華亭疾牽犬東門遊古來同此恨萋血匪易酬
纓組不可繫故有嵇阮流托志邈物表息躬入岩幽
然而廣陵散餘韻空悠悠夫夫處亂世且復爲身謀

名高衆所忌志大招多尤混混屠沽輩閨人只寸眸
持杯辨妙理酒谷任沉浮

社集寄懷周又新學博

梧桐移晚陰籬竹生淡翠以茲物候新懷人發幽思
夙昔言神交真味有然契意氣不足云所重在寤寐
山水蓄潛光至人得其意遙想聲影間知有奇文字
懷哉我友生踈襟而密致讀盡古今書胸不畱剩義
置君六子中應劉失位次救時具熱腸詩文直其寄

聲光走天下，獨以知希貴。於我把臂初，曠然若無際。
風雨過山居，深情付一醉。迨我高閣成，惟君最先至。
贈我五七言，戶牖燭寶氣。更作仙山圖，罡風吹碧墜。
供以旃檀香，不復落人世。每過君齋頭，肝膽坐相對。
譚深驚俗耳，且復述韻事。達士遠襟期，丈夫乘運會。
快矣駕天風，鼓此乘雲翅。乃以補萊才，聊作烹鮮試。
從來語仕途，迫窄寸趾內。所稱一世雄，眼光出牛背。
願君歛其彩，願君善其器。勿爲人所欣，勿爲人所忌。

忌者怨之媒欣者厭之懺欣與忌兩忘於以調逸轡
我如瞽捫日弋獲無一二賴君獎素心或曰非過計
懷哉我友生蕩越隔兩地勝友集如雲思君獨不置
念君事四方方且展英異敢以北山文墮君南圖志
出處各有道鷗鳧與騏驎

○新野道中放情託興數語
○有連句

○白○日○西○湖○神○骨○香○花○發○忽○作○蒼○上○行○猶○在○煙○水○畔

錢塘有萬家○回首雲樹亂○菱花滿長陂○蒲柳出古岸○

偶爾局舟無得素心友真趣未堪言

予初開寓山便聞橫山草堂之勝神往久之已

卯冬月始獲登覽與主人邦玉各述開山緣

起詩以紀之

丘壑有靜緣真宰每獲惜解會非其人不易言開闢
胎因要以癡圓果要以癖運之勇猛心鴻濛便可劈
我昔乞病身所志在泉石一拳一勺中枯似蝸粘壁
聞君卜幽居便欲把臂入眼界忽一新乃如素所涉

豈非夢想間先我契疇昔一境具衆妙境境不相繫
各自出妍竒亦復互委積思窮路絕處異景忽相值
又若固所有安排去形迹竊靄綠天菴霏微香雪宅
江光出榭杪山影入几席胡以塵世界結此青蓮國
是君筆墨靈是君定慧力莊嚴妙法海大千藏一粒
君曰初構時亦非意所及緣到則神來時至則趣集
始知烟霞人乾坤恣所適予山愧不深猶帶風塵色
舉目雖曠然所少者幽極寫濃在於淡收遠在於窄

藏巧在於平攝喧在於寂此是開山譜於今誇弋獲
五字寤寐心悔不早臘屐留此未了案與君話晨夕

贈醫士凌敬泉

昔人曾有言名醫侔良相蓋其變理功造化豈多讓
我翁濟世心溫溫抱德量分金武子奇賑饑符雅尚
治病如治身天札使條暢秉義而蹈仁鄉閭懷公望

其二

越昔遘癘疫我翁扶濟之扶濟通一郡神功仍不尸

彼蒼酬碩德麟鳳有令姿我翁不以喜爲善蓋孜孜
曰此根心者夫豈論報施始知醫王手不可涯淡窺

贈徐節婦

鬱鬱陵上松勁挺無旁柯獨以傲霜雪不復附女蘿
誰可方之者徐氏有令媛十八咏于飛十九痛孤鴛
捐軀欲明志之死之靡他念夫無後人姑舅將柰何
其所全者大一死不足多夫柩方在殯翁病已綿延
阿翁墓未乾爲姑泣原泉哭夫哭舅姑淚滴石爲穿

婦道兼子職中饋供昏晨毋慈兼父訓訓子爲端人
五年值三喪艱苦難具陳一身當兩難經紀甘酸辛
小姑佐之嫁是爲姑所鍾不欲失姑意縫紉給女紅
小星待以禮是爲夫所容不欲分夫愛依倚相始終
大節既已著細行復無疵想其擘畫處具有磊落姿
想其秉持處具有鎮密思茶蘖三十載不可涯溪窺
丈夫死忠孝或者爲修名女子立志節乃出性所生
綱常任之重渺軀殊不輕下以感后土上以動青冥

誰爲無直道舉世欵儀型誰謂九閩峻帝且昇揚旌

西湖雪霽

霽雪拭林巒波光浮其外窈窕西子湖傳粉而不黛
湖畔積亭臺嵯差細畫界青山本故介乃似乍相對
不復辨鬢眉精神覺可怪放我一孤舟曠然釋物累

其二

不作剡曲游却來此中卧俗煞王子猷湖上無唱和
西湖艷若花猶是拾餘唾不見晴雪時翠碧轉損挫

艷質帶蒼姿，頽然傾四座。我欲喚長虹，恐蹴琉璃破。
詩畫揔不真，相對呼無那。

初秋入王鑑山歸自湖塘

積陰在林薄，颯然生新秋。水粲波拍樓，煙紅霧浮。

一舟待其際，遙任去留。兩山遮我前，杳霽不可入。

沿流得近迴，茅屋當溪出。粳秫登圃場，鷄豚歸棲相。
嗟此風塵苦，乃適農家適。蟬在朝暮楚，楚整衣裳。
我則櫻世網，郵蝶較短長。短長祇尺寸，日月忽云亡。

感慨猶未息。鳥雀催晚色。注此出岫雲不如歸林翼
蒼茫湖水白。白露沾袖濕。

五洩紀勝

我作五洩遊。但可叫奇絕。有客詢勝槩。張目而橋舌。
客詢至再三。聊復陳其說。七十二峰裡。五丁開巖嶽。
源發紫閣村。竅鑿劉龍穴。響鉄嶺上聞。青口溪邊涉。
一洩倚天開。衆流始匯列。噴薄猶未酣。天河待排決。
汎井在於旁。片影照澄徹。更探三洩處。蟻行出翠穴。

下臨疑無地云可通海碣滌洞不盡中於此互交接
隱約伏天吳便以爭列缺三洩容受寬傾瀉蓋宕迭
縱橫作數行行行支派別或以逆取竒或以散得結
或如吸長虹或如碎玉屑杳靄合琉璃奔騰出浴鐵
削壁百千尺約束成四洩約束不得逞旁溢恣吞嚙
石與水相爭角逐無休歇石既迫其險水益露雄傑
一整一回斜一起一回跌水得巧爲容石反見拙劣
從此下沃焦五洩承其揆奔逸自九天不復有曲折

前流未到崖後派遠壓疊屈注倒銀潢靈胡戰瑤閣
撒落萬斛珠過眼爭一瞥初則蕩旬旬既乃轉幽咽
是水非水聲光景互變滅此其大略也思議搃難說
譬如繪花者香色不可擷譬如繪月者光明不可揭
留之天地間萬古任歷閱

重九後三日遊遠門山龍池菴

疎林始覺秋悲哉肅天宇孤石峭我情登高成兩度
陟徑入松門遠籬穿竹路千山止一抹蒼茫辨雲楸

我亦景物中、誰與爲圖記
明朝拂衣還金嶺塔

七言古

寄雲間夏彛仲

老龍夜吼青天哭，逗出紫霞飛碧瑤。君才自是泣鬼
神，一字能羸珠幾斛。於今再問長安道，十九人中君
最少。春風玉勒馬蹄驕，一枝紅杏逢君笑。少年醉後
不知愁，胡姬夜挾彈箜篌。寧知故人千里月，一片相
思不肯休。平沙蹀躞邯鄲里，夜雨燈寒江浦樓。樓前
春草漲潮連，此際思君多不眠。松鱸鱠切四腮玉，蘆

算火烹五月天君寄一緘字盈尺半是老梅半怪石
我欲拂雲寄愁心明河片片今何夕

行路行

塵征七八月行行景不同山花漱紅含朝雨柳絮翻
翩怯曉風道旁野老數前朝斷壘荒烟迹未銷我心
感慨尋古道惟有青山依舊嬌寒雲穿澗歸巖府鴛
沙骨立行人苦暮烟橫樹古林低蒼山亂撥峰頭舞
南來北北來南流水飄花也慙何如秋馬度汀灘

朝朝暮暮信耽耽

燕燕於飛篇賀金楚晚新婚

隊隊新粧列花燭鳳求凰兮三弄曲誰家金屋貯阿
嬌青鸞開鏡秋水綠花弄粉粧鏡臺笑折櫻桃敲
碧玉洛西才子遇佳人金鋪玉鎖鴛鴦宿芙蓉帳暖
晴煙裊銀屏夜合不知曉低鬟一笑暈生香瓊鉤屈
曲朝雲渺蕩于飛燕于飛與翻紅雨穿綉幃夜看三
星傾巫峽珠簾猶帶月明輝

佩劍行

吳鉤三尺光陸離。
秋水拭紫泥。掛向床頭龍夜吼。
鬚鱗怒起蟠蛟螭。丈夫自有雄飛志。
百萬軍中奪赤幟。佩君一劍凌霜煙。
壓宮鯨穴請君試。試向壓宮與鯨穴。
波濤晦立染腥血。須臾旭日起扶桑。
牙旗飄颻角吹徹。海上連年集水犀。
將帥興思聞鼓鼙。咄咄談兵出奇策。
會須姓字留標題。

賦太姪贈秦儼海峯兄

吾聞海上有太姥之奇峰○上下波濤浮碧空○芙蓉削
出倚崆峒○尚有灑氣包鴻濛○扶桑一點曉霞紅○飄飄
鸞鶴馭天風○濤聲海色漫穹窿○中有真人氣如龍○振
衣千仞闢瑤宮○呼吸可與帝座通○秦源路接山之東○
桃花驕踏五驂馳○使君仙骨玉玲瓏○駢雲霄雪韞端
竦三十六峰金掌中○星辰錯落低岱嶽○堯封漢祀亦
何崇○瓊漿一笑容成翁○山頭飛鳥日瞳矔○九天雨露
非人工○我欲躋攀不可同○仙路渺渺思恍恍○

過道士庄吊賀季真先生

載酒乘小艇，泛泛逐鷗鳧。
微雨昨夜過，水漲青草湖。
青艸湖頭長新綠，季真當年乞此曲。
一曲中有道士，庄路傍野花歷亂香。
燕鷗呢喃談往事，世間何地無滄桑。
昔日風流今已矣，人生奈何不盡觴。

夏日宿化鹿山，比歸而雨後溪漲，乘竹舡下平水，兩山映帶，一水奔流，形勝足擬輞川，人工且可補共鼓之憾，即景長吟以紀其事。

夜聽松風響。設設曉起。泉聲滿幽谷。獸挈奚囊歸。鑑湖片棹遙遙走。飛瀑舟人。綳竹薄如紙。載沉載浮。水之溪。忽探蛟宮。怒馮夷。忽披蒙茸。狎虎兕。前者如墜。後如顛。高高下下。相盤旋。下如沃焦。奔瀉水。高如銀河。落九天。松下人家。竹籬掩。淡淡烟林。暮色染。一山未過。一山來。千山萬山。只一點。前山嘯呼。猶未絕。後山峇之。振林葉。纔見小山小。如拳。回頭倏忽。雲峰滅。迷却溪巒。問舟子。笑指炊烟。隔林起。晨行到。及午炊。

時輕舟已過八十里歸來村釀手自斟欲將此景入
苦吟桃花水落垂楊岸殘雨斜陽何處尋

對酒作歡樂歌

長安豪傑千金客醉向當壚輕一擲君不見龍文寶馬珊瑚
妝五陵公子出長楊漁陽萬騎動鞞鼓昔日綺羅皆
塵土君不見春風銅雀鎖高臺橫梁臨江酒一杯須
史戰場埋折戟野猿啼到江月哀古人夜遊常秉燭
日日爲懽苦不足爲歡不足可奈何聊復對酒作短

歌

漂母祠

石麟嘶歇西風老杉葉青青覆荒草淮人傳是漂母
祠香火陰沉一媼媯當年逐鹿混魚龍羊少眼光雜
酒傭坐冷蘋花閒理釣誰憐王孫一飯供三齊自錦
假王印龍準不識淮陰信面可封侯背可王豈及沙
頭雙眼俊

登濟寧太白樓再遊杜工部古南池

古城草沒沙浮岸樓臺缺側賓客散蟬聲過雨楊柳
斜鴈影入池芰荷亂人傳醉飲是青蓮殘碑一片夕
陽畔當年工部亦在茲詩字淋漓濕青汗金粟謫來
醉仙人騎鯨捉月上天漢少陵野老哭浣花擲筆歸
來恣汗漫偶然觴咏亦無心碧水丹崖飛電幻何事
今人多吠聲刻畫花草作古案有山皆雲任我登無
月不秋誰禁看現前天地不知寬却隨古人作評判
李也杜也安在哉山自悠悠水渙渙

兩泊潤園主人方飲予亦就飲別乃識爲朱仲

省文學

一帆自與斜陽餞大堤古木昏鴉戀鬢眉風日面塵
沙兩月不識園林面泊舟忽在紅蓼灘臺烟榭月成
一片入園不復問主人流水杳蕪無人見黑雲潑雨
送新涼池頭露髻白團扇綠槐滴瀝作秋聲一泓淺
碧珍珠濺湏臾主人出笑言不衫不履自住倩君胡
爲來今何往且向一尊作清宴細酒乍滴小槽紅爲

君開甕光漱灑怒咒吸海驪奔泉大盞小盞一吞噴
主不寒暄客不語戟手袒肩作酒戟無客無主無送
迎忽聚忽飲忽分散有如盆魚走江湖只向清波微
喝噉又如寒林鳥雀嬉懶刷羽毛對鵬翼更如王子
看竹主閉門客不稱若主亦傻酒人張口發酒談李
白只作糟丘椽有酒且飲逢場散三萬六千如飛箭
醉眼問天天沉沉我輩蟻虫何所羨但使千日百日
作醪王擲却猴冠安貧賤

遊蘭亭壚峰歸對酒作歌

從來看山豈有譜况復遊時後重五載酒携朋笑我
癡以爲尋樂翻得苦誰知此中有真樂雖涉苦趣亦
不惡巢由自是遠古人我供揖之直如昨而况蘭亭
在我鄉右軍亦爲我梓桑生平三十何所事不爲先
生進一觴誰言造化今已老山水還爲造化寶但有
遊人便解頰雨雨晴晴無不好從來天山易爲避待
人開之後無悶開之須以筆墨緣不然眉目猶混沌

崇山峻嶺非自今自有蘭亭始越深即如爐峰一線
道湏向張公嶺上尋張公歆作開山祖挾石穿雲力
如虎造化冶鑄訖未全山水直以人意補文人發墨
餘一醉石蘚班班留文字力所未補筆補之造化乃
得成完器如椽三寸鬼夜愁於物爲劒氣爲秋直與
天地爭泉石則知此會非浪遊永和之復有蓮社此
名已爲張公假後來尚有集西園我願鼎足分之者
余向理菑時未入疆即知陳光岳名以爲宿士

也及晤光岳則翩翩美少年閱九稔始爲其
兩尊人之六衰予惟桓冲過劉麟之而始知
其父元禮交文舉乃拜其母子之知兩尊人
蓋以光岳知之也雖然予何足以知光岳哉
光岳知予耳知己一日雅可千秋既吞金石
之交曷已崗陵之祝

君不見木蘭之水澹而清桃源一曲入武陵又不見
壺公之山崔巍以嵯峨玉樓十二聳銀河壺山蘭水

甲海字金光靈草滿瓊圃中有真人氣如虹餐霞吸
露仙仙舉儒冠擲去做浮名眼空大塊玉戾輕藥畦
善果呼童種烟嶼間鷗伴侶盟曾襟滿灑神道逸暮
宿花塢朝碁石縱飲常裁漉酒巾怡情時着登山屐
太丘岩岩峻龍門下臨無極之深上踞萬仞之尊元
方季方難兄弟階前芝子後蘭孫伯鸞自不因人熱
德耀字之同高潔不如君家更有寧馨兒五邑龍章
騰汗血曾聞玄鳥舉霞觴阿翁阿母復眉龐摘雲壺

山頂採繁蘭水傍日之升兮月之恒爲君遙賦九如
章

自梅墅發舟泛若耶溪望卧龍山歷禹穴宿頭
聖寺灣成棹歌

會稽之山若耶水山迴水抱六十里一鏡中涵萬頃
光側峰橫嶺當面起曉來微雨洗長天水天浩淼照
無邊菱葉遮遮鷗泛泛秋日於此放畫船船中兄弟
五六輩更有先生號書袋或說今古口懸河或喜談

禪証三昧其或矯首看山光近者如髻遠如黛一山
未過一山來圖盡天從此地開紈看卧龍几席裏禹
穴已帶殘照回須更潑雲生暮雨激石穿泉吼於虎
野寺半藏楓楸林老僧笑迎在竹戶禪燈一盞光皎
皎煥徹人心入微渺設卧不卧聽玄詮松間明月直
到曉人生此景能幾何若吟不足且醉歌

清明後三日夜泊小隱山下

春花照眼上衣裳春水拍拍到池塘進溪不覺日薄

晚隔煙人語語滄浪一舟一燈三四友一談一笑數
杯酒諧譎自稱亡是公倦懶欲作吏離叟須臾纖光
出山月水波湧起蛟龍窟一邨夜色浮高林卧聽子
規啼碧血

清明後五日陟壘觀龍舟

去年禾黍登塲圓今年農事祝豐穰土民祝神薦馨
香鳴鼉伐鼓聲鏘鏘博徒擊楫鼓鳴榔載浮載沉水
中央虬龍怒吼鱗甲張噴雲薄雨爭翱翔拍天雪浪

十丈長弄潮兒卽來洋洋快如疾馳走飛檣咫尺復
疑泛扶桑傾城士女儼成行輕綃細縠佩明璫吹蘭
作霧簇衆芳粵歌緩板出銀塘歌成赤鳳咽笙簧春
風幸勿負春光收拾樂郊到醉鄉感今獨有年騷士
願取一杯吊沅湘

清明後六日晚登偃山及曉觀日乃下

偃山之高入層霄片雲影落百里遙罡風吹壁青天
立吹成大地皆波濤升沉灝氣乾坤合林杪劃然聲

飄颻朦朧山月破幽深策杖竄將蘿逕踏仙居樓閣
生高寒斗轉星殘玉女壇晴霄霹靂起空半海色漲
天作迴瀾三喔天鷄開曙色珊瑚灸老鮫人泣綻裂
金波一線長擘破扶桑赤輪濕浮空一卵液流黃鑿
開混沌熠旭光呼吸帝座欲霞舉籠雲薄霧上衣裳

丁丑元日

皇帝御宇之十載疆圉赤喬闔歲紀濯洗萬象咸一
新禽魚草木皆有喜里中父老賀豐年公堂獻壽進

屏况我居林下奉慈親一叔兩兄與弟姊團團俱作
太平人私訟官符不及里但願西北起瘡痍洗兵倒
挽銀河水更願三農無奪時于橐于倉積億秭先人
薄田尚可耕適往春郊欲舉耜去年卜築掌大山曲
室迴廊松竹裏小亭臨水浴鷗鳧旁有長堤相迤邐
主人時復乘畫船茶竈筆床粗具庀澆花採藥任所
之一樵一釣亦不鄙耕鑿敢忘帝力深轉愧散樗無
足齒去年元旦慶晴霽今年風日更和美會將大有

兆春王麟筆書祥屬太史

從張宗子齋頭見木猶龍周又新先生所題也

台社友賦之宗子亦有作用大蘇木假山詩

韻予讀之而喜踵其和作歌

豫章之材驅萬牛梅梁一枝走炎洲化作老龍風雨
秋奔雷繞電吸洪流波濤洗蝕似琢鏤夜戟蛟螭縛
毒酋胡僧覆鉢伏鱗瓜怒色雖酣不敢尤綉佛齋中
學枯坐主人珍重爲箕裘草妖木怪出靈閣祖龍妬

欲作燎顏帝子持携歸天漢星槎遂泛支機丘

復爲之銘曰

厥木惟喬乃出蜃市鱗中隱然鬚髯怒起日星其文
金石其理含靈而生薄蝕不死先天地來後天地毀
其猶龍乎莫知所以誰其寶之張子宗子誰其銘之
寓山居士

登含山

蒼雲之水千百折半烟半雲共明滅歎乃聲中蘆蓼

風吹送一舟如落葉連日見水不見山聊以培塿當
嵒嶽含山再過成舊交相望相呼不忍別板蘿捫磴
欲從之神情直與山靈接寺敗僧頑草木髡孰爲山
靈洗穢鱗惟將遠意豁幽襟四野若爲此山設但使
登臨獲我心不與兩峰爭炎熱此山偶在天地間如
拳不足供一瞥錯認姑蘇城外頭似有鐘聲耳邊徹
始知題咏重山川喚取詩人重論說

丁丑季秋念有三日全柳集玄季超兄夜坐西

渡草堂時集玄自黔歸劇談天文相與仰觀
星斗錯落如在襟袖于是有眺覽之興次登
霽爽繇雲門扳陟十餘里遂登絕頂徘徊狂
呼稱平生快遊後十四日雪中坐禹山之遠
閣忽憶昔事謾爾有作

有客有客來黔陽胸羅三辰眼八荒指麾象緯迫天
房狂呼直通帝座傍每笑世人如禪虱自欲霞舉恣
翱翔晨光乍吐照茅屋紅葉黃花出翠竹疲驢一鞭

古道中渡澗穿林間樵牧樵牧指點數步前五雲山
下石橋邊門接深松通小徑崖懸峭壁枕清泉一線
疑從巨靈擘青冥迴合乾坤窄路入峰頭乃豁然以
手捫天在咫尺下臨大地上雲霄寸曉之內百里遙
道上千巖與萬壑不敢昂首爭崢嶸昔人所稱滄海
日浙江潮自我視之直似湏彌納毫毛海霧江風漲
天起亂峰仄岫入波濤卧龍蜿蜒伏山趾八百鑑湖
盆盎耳彈丸黑子雲樹中道是越王古城東眼光只

此尋丈間便已俯視輕塵寰何況冷霞且吸露兩腋
清風生羽翰霸圖事業直淺淺空餘斷碑卧碧蘚祖
龍曾此望神山翠華一去不更轉塵飛幾度見滄瀛
電光石火何足驚秦之天下不二世奈何此山久得
名彼溪而愚彼泉而盜山靈若有知肯以斯名貽嘲
笑嗟吁乎琳宮貝闕揔荒丘鐫壁磨崖豈久留無情
木石與天遊榮之亦不喜辱之亦不憂忘憂忘喜如
亦石王霸相傳亦陳迹寧但登臨在須臾史看來造化

等過客爲我移文謝山靈我有長歌爾試聽欲學桃源避秦者莫使漁舟洞口停

登越王嶂

會稽之山鬱嵯峨越王棲此山之阿五千甲盾寂刁
斗旌旗渺渺逐江波江聲海色來天地琉璃吹綻罌
風際振衣萬八千大峰飄飄俯視輕一世一世之雄
安在哉王圖霸業成劫灰丰大蠡城剛咫尺鷓鴣飛
去餘空臺禪燈一盞明皎皎照破興亡只昏曉大千

世界同微塵收向芥子無遺倫芥子收向何處去老
僧一笑揮法塵

寓山士女春遊曲

鶯舌初調聲一剪隔窗喚起檀痕淺桃花水發湖面
平魚苗風送蘭舟行橫塘路遠垂楊裏畫閣朱欄天
半起十八女兒繡帶長大堤步步印泥香相呼相喚
鴛鴦隊姑攜新婦姊携妹吹起芳蘭散作雲煖風暖
縵湘水裙臨波自獎芙蓉面斜趁落花同舞燕長松

古石翠碧叢忽見千朵萬朵紅青鸞尾豹靈蛇髻寶
璐明璫聲細細映竹穿花渡小橋倚徙樓頭纖手招
曲逕乍迴羅袂舉笑靨微開如欲語紫帽黃衫夾道
來避人側入藏春隈兒郎指點新妝好錯認倡樓蘇
小小玉勒青驄佯墮鞭脂粉叢中若個憐夢入名花
酣暈頰頰作枝頭暎映蝶棹歌半出綠雲間鷗鳧驚
起銀塘灣對面晚山啼落日笙簫十里猶闌溢花外
輕傳金縷聲遊人一齊回首聽念奴嬌詞歌一闋空

山叫落杜鵑月誰肯秉燭良夜過爲歡不足可奈何

中秋前二日全友人遊彤園主人出酒快飲賦

此

彤山泉石天荒闢主人疏剗抱奇僻我亦寓山構數
椽扁舟往返無朝夕朝煙夕霞恣品評一亭一榭皆
有情問誰閒者得爲主逍遙杖履我與卿笠澤之濱
有皮陸以觴以詠混樵牧公榮不飲亦何妨把臂偃
可入林麓西冷高士名曰逋妻梅子雀亦不孤况我

三人共語笑清光醉弄足歡娛歡娛未已生感慨佳
節無多人面改病愁風雨吞一半良夜好天不易買
良夜無過秋色深山空水落靜有音二仲永期三徑
粟皎然月出照素心

元旦後三日雪霽舟中

夜來大雪朝初霽大地明光如睡起浮空忽見楸成
波倒映乍疑天是水遠山近山千萬疊銀海翻潤俱
淨洗似款似舞逞精神或獻其頂或獻趾一層峰界

一層雲雪面雲鋪輕織綺鑑湖湖水拍平田迷離一
片無涯淡是何境界作何觀乾坤開闢於焉始猶夷
發棹此間行自在當年圖畫裏却邊烟接野橋封籬
畔竹斜茅屋地只有寒鴉陣陣來點破南宮一幅紙
停舟沽酒酌三杯嚼碎梅花香在齒

苦雪行

庚辰夏月苦霖雨平地水漲三尺許怒濤涵湧沒昏
朝飄盡青苗與黑黍田主索租三四金半是賣男半

鬻女朝食未飽午食空催糧里長又在戶私債官糧
交迫來求生不得死無所老妻嗔罵幼兒啼潛身避
出不敢怒寒衣質得一十錢市中買米不半籃酸風
澁雨過隆冬露肘單衫經百補滿望春來鋤麥苗又
復連朝被雪阻古稱瑞雪兆豐年我却逢之添百
饑來莽莽欲訴人告貸鄰家又堅拒聞之西北倍饑
荒食盡草根人作脯楚舶吳商俱不來百家炊烟無
一縷我寧守死在蒿萊只恐閻閻無安土天乎天乎

不我憐誰爲我恃誰爲怙

○輓徐烈婦

浩潔

早華

無凋殘

所賴節義峙其間

手挽狂瀾作砥

柱不在男子在紅顏葉家之婦徐家女結褵未久旋

分侶丈夫殉難死疆場婦也何難以身許所傷二孤

靡所依所傷旅襯不得歸艱苦伶仃賒一死悲哉行

道咸歎歎夫骨未寒孤尚小強梁迫逼何其狡此身

原不爲偷生地下相從恨不蚤抱兒拊女倍悽惶一

回置想百斷腸。只因節義下銘重。刺衣猶瘡。出空房。

兒女猶然。虫夢裡。阿娘蚤已赴湖水。千縫百紉。在衣

裾。七日浮屍。不摧毀。英靈所感。一何神。泣天號地。動

星辰。彼亮尚欲肆誣。罔裂。昔怒目含餘。嗔斷臂毀容。

不足步直。以生炮等朝露。一泓湖水。旌素心。妙在從

容無瞻顧。死志亮節性所成。此等事作後。然而

身名不相與。詩外全未信清。歌終平。

暨陽七十二峰歌

我聞林屋之洞天七十二峯煙水邊何物是工扶混
沌此間亦復宅神仙龍子奔騰負龍姥鑿穿大地無
寸土虹呼鯨吸倒波濤壁立青冥自作袒兒孫羅列
各卓雄聳身拔地倚穹窿朵朵芙蓉削青玉如笑如
舞寫碧空陡絕懸巖當面立迴合蒙茸不得入一線
纔通又一峯前峰顧我似相迫峯峰向日盡律律壯
骨粗頰氣不平若或拱而相對語有時怒擊逞騰轟
兩山東縛沉陰壑仄徑危崖天上落日月至此長晦

能星河搖搖影旁礴巨靈劈石地軸搖大者跌蕩細
者號細如毫毛藏刻畫大如鵬背壓金鰲帝闕中央
層結市翠羽金鳩簇玉几幔亭虹橋三千尺石家步
幃四十里潛龍聞在山之阿巖從亂石踏藤蘿意慘
神寒趾以寸猶復矯首眇銀河銀河倒落無昏曉一
一峰頭雲霧表靈區千古自常尊以物擬之便覺小